

第〇二二册

曆象彙編

歲功典

重陽部

冬部

孟冬部

立冬部

仲冬部

冬至部

(卷)

庚子

辛丑

壬寅

癸卯

甲辰

乙巳

古今圖書集成

中華書局影印

欽定四庫全書
PDG

九日事宜

呂公記曰九日天明時以片糕搭兒女頭額更祝曰願兒百事俱高作三聲

敦氏易方曰九月九日採種養草即白花菜是也去根花并子淨用薑葉入甑九蒸九曝層層酒酒與蜜水蒸完極香爲末蜜丸兒角于大每服五七丸米湯下服至百日去周身癰瘕風疾口眼歪斜痼疾壅塞久臥不起又能明目曰髮變黑筋力強健效不可言雲笈七籤曰九日勿起動牀席當修延算齋貴心樂事

重九

重九登城把茱

本草綱目

重陽

九月九日采白菊花名曰金精菊花一斤茯苓一斤搗羅爲末每服二錢溫酒調下日三服或以煉過松脂和九釵于大每服一九王頭服久服令人好顏色不老

六月六日采蒼耳葉九月九日采野菊花爲末酒服三錢治一切癰疽丁腫

重陽日取高粱根名爪龍陰乾橫生雞產者取爪龍燒存性酒服二錢即下

墜損跌撲散血止痛重陽日收老茄子百枚去蒂四破切之消石十二兩搗碎不津器先鋪茄子一重乃下消石一重如此間鋪令盡以紙數層密封安置淨處上下以新磚承覆勿犯地氣至正月後取出去紙兩重月中曝之逐日如此至二三月度茄已爛開瓶

傾出濾去滓別入新器中以薄綿蓋頭又曝至成膏乃可用每以酒調半匙空腹飲之日再惡血散則痛止而愈矣若膏久乾硬即以飯飲化動用之本國經

重陽

九月九日爲重陽魏文帝書曰歲往月來忽復九月九日九爲陽數其日與陽並應故曰重陽續齊諧記云汝南桓景隨費長房遊學謂曰九月九日汝家當有災急令家人縫絳囊盛茱萸繫臂上登高以飲菊酒此禍乃消景從其言舉家登山夕還而雞犬一時暴死仙書云茱萸爲辟邪菊爲延壽客假此二物以消陽九之厄今人九月登高本此夢華錄云唐時都人出郊登高各以粉麪蒸糕上插剪綵小旗糝會果實之類各相餽遺

直隸志書

宛平縣

九月九日飲酒具茶爐食榼尋園榭丘阜爲娛日登高餽餅散棗栗爲花糕父母家必迎女歸亦曰兒女節

夏鄉縣

九月九日士民蒸糕移菊相贈登高賦詩

香河縣

九月九日蒸糕相餽結婚之家則送禮名曰追節

昌平州

季秋月九日做花糕以棗栗蘋果爲之親友相餽問有攜酒遊山謂之登高亦謂之辭青

遵化州

九日載酒具茶爐食榼登高作麪餅九級以次合尖歇棗栗於級縫曰花糕餽送感屬似午日

未平府

九月初九重陽日晴則冬至元日上元清明皆晴雨則皆雨又占是日晴則一冬凝雨則一冬晴占風色爲來年豐歉喜東北忌西北其爲節稍如荆楚歲時記家製棗糕角果殺餽還姻家簪菊佩萸登高多醑酹而歸釀菊酒醅瓜菜

肅寧縣

九月初九晴一冬冰初九陰一冬溫

南皮縣

重陽以麪棗蒸糕謂之菊花糕新釀黍酒謂之菊花酒邀賓觀菊插茱萸出郊野飲謂之登高

慶雲縣

九月九日婚姻家相餽用麪爲糕五色錯雜謂之重陽糕詩人高士尋菊登高飲茱萸酒菊花茶占候重陽遇戊一冬晴

冀州

九月九日重陽節蒸菊花糕獻先女氏亦以送婿家追節農家率於是日報賽

邢臺縣

九日重陽醜糕酒於嫁女曰迎九

曲周縣

九月九日登高本縣無山樓上城頭借朋眺望採菊花把茱萸飲酒

清河縣

九月九日無高可登惟以花糕菊醕相餽亦有邀親

友賞菊者

清豐縣

重陽士大夫做古遺事率登高飲菊花酒兒童放紙鳶爲戲

山東志書

淄川縣

九日登高時高秋氣爽場圃初登黃菊乍開紅葉方綴行吟載酒最宜登眺蘇東坡云人生惟寒食重九不可虛度亦沿費長房故事也

范縣

九月九日賞菊花飲茱萸酒送新嫁女衣襟

棲霞縣

九月九日作絳囊盛茱萸以繫臂登高飲菊花酒始於費長房桓景而龍山落帽白衣送酒騷人韻士往往以是日爲令節

山西志書

曲沃縣

九月重陽日食糕登高爭致菊花作盆盎觀是日占冬陰晴

絳州

九月重陽婦女歸寧各攜束糕以還

隰州

九月九日設飯延新婿

陝西志書

富平縣

九月九日餽棗糕於女家曰送糕

同州

重陽蒸棗糕相餽自五六七及是月各以其月之日餽時物於歸女及所聘待年之女曰逆節

西鄉縣

九月九日親友贈以菊花菊糕登高飲茱萸酒或在雲盤山或在武子峯丹崖黃菊徧山徧野士人以詩酒相賞婦人以口採茱萸更有可治心瘵之藥

江南志書

句容縣

九月九日登高賞菊酌茱萸酒春米糕蟹特用薦先隆師逆女追節

長洲縣

重陽吳山登高游治平寺中牽羊賭采爲攤錢之戲飲黃花酒以麪作駱駝蹄食之

常熟縣

九月九日兒童以五色紙接爲條長一二丈粘竿百植於庭戶間曰放紙條若登浮圖山顛有搥至五十餘丈者

松江府

九月九日蒸重陽糕標以紅紙旗供神佛舂紅糕薦先對菊泛茱萸酒新酒或載酒於九峯洲塔等處爲登高會

武進縣

九月九日登太平寺塔紅梅閣亦有作落帽故事者

無錫縣

九日噉重陽糕九品羹

清河縣

重九蒸糕相送好事者以米粉爲二平加之間亦有

攜酒饌登高者

睢寧縣

重九賞菊登高城中紳士登青雲亭

儀真縣

重陽舊事有茱萸佩囊俗相餽用麻葛糕儀邑則以糖林雜採爲之市醫標以綠幡供小兒嬉戲惟有逸趣者必登高把菊賦詩

蒲縣

九月九日登高是日晴一冬晴諺云重陽無雨看十三十三無雨一冬乾

淳寧縣

九月九日鄉俗多以糖餠巨勝雜黏米爲糕糕餠食且以餠牛而放牧之諺云九月重陽散放牛羊自後弛牲畜之禁聽逐水草焉

桐城縣

九月九日登高宴樂里諺云橘綠橙黃最是一年好景披襟吹帽依稀百代高風觀白衣載酒孟嘉落帽逸興猶存

太湖縣

九月九日或採野菊插滿頭而歸亦有蓄茱萸庭前宴賓者

銅陵縣

九月重陽爲醜燭會以迎官山神民間置糕糕頒食互相遺饋戲竹馬逐疫

太平府

重陽日攜酒登高插茱萸遠望以避邪穢鄉俗餽糕糕無邑鄉村是日擊鼓喧嘩以驅邪承謂之祓災

和州

九月重陽炊糕餅薦先

浙江志書

紹興府

九月重陽日俗忌不相過必有喪者乃往哭其靈凡且致祭焉不知其所始也

桐廬縣

九月九日有備猪羊品物以合祭其先者謂之秋祭即古霜露之思也有作角黍以相遺者謂之重陽粽天氣晴爽亦有登高者而佩萸之事無復行矣

新建縣

九日士夫多於龍沙開宴設五色糕之菊唐孟浩然有龍沙九日詩權德輿有九日龍沙陪宴詩

德興縣

九月九日刈晚稻

建昌府

九月九日用百果及肉雜米粉蒸菊花糕不限老幼登鳳凰岡以傲登高過難之意

湖廣志書

武昌縣

重陽日造酒極清冽久藏不壞請來或聚米成之

應城縣

重陽各鄉村還願以報方社田祖之神

荊州府

九日民間以粉麪蒸糕上置小鹿數枚號言鹿糕福建志書

福州府

九月九日登高臨賞舊訛九仙山亦名九日山無諸王是日於此鑿石梯以泛菊石樽可盛三斗猶存天聖中陳工部絳重陽遊於此山閏月九日遊越山縣尉黃虛舟獻詩唐和者至四十三篇

建陽縣

重陽九日以東北風占來歲穀貴賤一日占正月二日占二月至九日止諺云不怕重陽雨只怕重陽風又云重陽無雨一冬晴

松溪縣

重陽插茱萸泛酒以祀先并延親串共飲之

長汀縣

重陽家養菜糕採田中毛豆相餽謂之毛豆節

海澄縣

重陽日放紙鶴曰風標夜繫蠟而縱之明徹星河可通牛女重間君平也

廣東志書

連州

重陽日童男女於州城外相聚咎歌州人多往觀之

南雄府

九月九日請茅山教師建王母會少年婦女求嗣者常聚數十人巫師皮冠緋衣唱舞吹牛角謂之海角

歸善縣

重陽拜掃墳墓亦如清明之儀童子放紙鳶爲樂

平遠縣

九月重陽造酒置至開歲杜鵑時始佳謂之杜鵑酒新與縣

重陽北地清明放風箏南方重陽風力始適上以此日放紙鶴多其式樣高者侵雲

陽江縣

重陽放紙鳶爲鳥獸蛺蝶之狀有名檜雲者懸藤弓其巔半空聲響嘹唳晚落始息

定安縣

九月九日官紳士子會赴文筆峯登高具酒會飲謂之興文迎

臨高縣

重陽日早起羣呼曰趕山貓以爲安富之兆廣西志書

懷集縣

重陽登高俱集登雲觀是日爲元帝得道之辰男女少長傾城而出賽神酬愿皆用大炮作會飲酒抵暮方散

宣化縣

九月重陽具牲有拜掃先登謂之秋祭

隆安縣

九月九日牛羊縱放俗曰九月九牛羊各自守

重陽部藝文一

與鍾繇九日送菊書

魏文帝

歲往月來忽復九月九日九為陽數而日月並應俗嘉其名以為宜於長久故以宴享高會是月律中無射言草木庶草無有射地而生惟芳菊紛然獨榮非夫含乾坤之純和體芬芳之淑氣孰能如此故屈平悲冉冉之將老思餐秋菊之落英輔體延年莫斯之貴謹奉一束以助彭祖之術

九月九日登凌雲館賦

宋傅亮

歲九晏之暮月肅晨駕而北近度迴壑以停轅凌孤館而遠憩何物慘而節哀又雲悠而風厲悴綠繁於寒渚阻豐灑於荒澤玩中原之芬菊惜蘭圃之彫蕙旌竹柏之勁心謝梧楸之零脆爾乃流眄平隰落日還皋千感具盈在物同騷聆離鵠之棲響聽鳴林之瀾颺彼遊子之苦傷每瞻歎於我勞矧集悲而鍾苦疚寸心其如切眇天末以遙賸怨故鄉之阻遼

九日紫氣賦

唐潘炎

景龍三年九月九日帝與羣官壺口山升高時有紫氣光彩照日賦曰

吾王不遊人何以休望壺口之千里值重陽之九秋

山對翠屏動輝光之赫赫雲成紫蓋扶晚日之油油宛轉浮空輪囷不散應一人之盛德為萬歲之觀榮氤氳瑞色無孤峯斷障之嵯峨搖曳晴空雜玉葉金枝之燦爛亦何異出蒼梧入大梁為漢武之蓋升軒轅之堂忽兮改容形難為狀紛紛郁郁用表靈貺還用芒碭之閭非比崑崙之上豈徒合而膚寸垂以飄扇河汾水今天之眷紫氣疑今人罕見位當用九果

符九日之祥運極通三末御三雲之殿

送江丞相九日禮啓

宋文天祥

宴龍山九九之節風後旌藩開鶴林七七之花今逢眞宰風清六蘊霜肅九州恭惟某官赤烏元圭瑞戈錫盾酌長沙酒快春水之晚行賦北門詩喜扶花之晚看小馳戲馬重補宸龍某記影星垣驚心隨館鼓芙蓉之頃想干乘之登高折筇策之房為三益而特寄

謝江丞相九日禮啓

前人

天開紫蓋秋高淡圃之杳星下碧泉春到長沙之酒飛卷五雲之風雨光華九日之山川味也深澤思斯曷稱北門看菊幸與分玉帳之清內殿傳柑聞已下金甌之信

請羅提舉京子九日宴啓

前人

紅杏舊陰甫迎天困之綠黃花佳節又飛冰篆之丹青車已動於行雲流馬未來於今雨偶龜明日薄燕清風莫置錦眉蘇且拚小飲已銷黃金甲行慶昇除

九日賦

明俞允文

肇九晏之令節肅淩辰之始霜悴百卉於綠林斂萬實於白藏於時律中無射日躔在房山機旋丹禽華吐黃威靈鍾於豐嶺收帝藉於神倉惟日月之並應數遊九而皆陽懿嘉名之宜久故高會而薦觴或助術於彭祖或彌禍於長房或羞實以效新或餐服以致康若乃駕言龍山於茲廳館登戲馬之楚臺弋翔鴻於沙苑咸宴凱而稱詩悉鉤奇而摘校至如紫塞草白胡山氣高雲物無擾上屬澄霄助羊精堅弓勁鷹豪狐兔鮮肥人馬並躡駿千緡之赤羽勒萬騎之

黑貂或翔敗於廣虛之野或校獵於莽蒼之郊彌闔樹而掩格被川谷而橫捐莫不致奇獲以耀武聊割鮮而騁豪及夫蘭閣少婦榆關疲容結離思之幽遐念佳期之未隔盼來鴈而增欲學裁鸞而掩泣寒聲壯兮悽心脾夜被空兮月入室徒有地兮限南北欲授服兮無由得怡無由兮思彌深鍼綉跡兮抽余心心之抽兮魂四溢魂四溢兮夢難集雖有刀尺兮忘疇昔或有放臣去國感平分以測景志士思名薄迅隨而孤竊怪憚兮遲迴淹留兮寒迎繁陰積兮鬱索川雲霄皆兮蔽窮天恍踟躕而延佇眇去楚而辭燕於是僕本畸人棲遲丘樊於焉遇遙聊以盤桓爲四序之改節悲愴忽之但年想前蹤之攸邁覽窮達之異源超遐邇以暢志妙衆感而爲言愛欲札其相承兮心與蹟猶未泯世固智寡而艱多兮孰云陰其萌祇之所先齊萬族乃無累兮求周賈之冥斧庶憑化以無吝兮還吾反乎自然

欽定古今圖書集成曆象彙編歲時典

第七十七卷目錄

重陽節藝文二詩

九日閑居

己酉歲九月九日

九日從宋公戲馬臺集送孔令

九日從宋公戲馬臺集送孔令

九日侍宴

侍太子九日宴元圃

九日侍皇太子樂遊苑

九日賦韻

寫歸川王九日侍太子宴

九日侍宴樂遊苑

九日侍宴樂遊苑

九日侍宴樂遊苑

九日侍宴樂遊苑應令

九日侍宴樂遊苑

九日酌菊酒

九日侍宴樂遊苑正陽堂

九日

同管記陸瑜九日觀馬射

衡州九日

於長安歸還揚州九月九日行薇山亭賦韻

九日從駕

九日九月

北周王褒

晉陶潛

前人

宋謝靈運

謝靈

齊蕭子良

王儉

梁簡文帝

同前

沈約

前人

丘遲

任昉

庾肩吾

何遜

劉孝威

劉苞

王修己

陳後主

江總

前人

北周王褒

唐高宗

九月九日幸臨渭亭登高

中宗

豐年多慶九日示懷

德宗

重陽日中外同歡以詩言志因示羣官餘字韻

同前

重陽日即事

同前

重陽日賜宴曲江亭賦六韻詩用清字

同前

九日

同前

重陽錫宴羣臣

宣宗

擬江令於長安歸揚州九日賦

許敬宗

九月九日贈崔使君善爲

王績

九月九日

崔善爲

答王無功九日

前人

九月九日登元武山旅眺

盧照鄰

奉和九月九日應制

賀賈

奉和九月九日登慈恩寺浮圖應制

崔日用

奉和九月九日幸臨渭亭登高應制得聊字

蘇瓊

奉和九月九日幸臨渭亭登高應制得歡字

宋之問

奉和九月九日登慈恩寺浮圖應制

前人

蜀中九日登元武山旅眺

王勃

九日

前人

重九日宴江陰

杜審言

奉和九月九日登慈恩寺浮圖應制

前人

九月九日

前人

奉和九月九日登慈恩寺浮圖應制

前人

九月九日幸臨渭亭登高應制得渙字

前人

閏九月九日幸總持寺登浮圖應制

李嶠

九日登元武山旅眺

邵大震

奉和九日幸臨渭亭登高應制得筵字

閻朝隱

奉和九日幸臨渭亭登高應制得月字

韋元旦

奉和聖製九日侍宴應制

李適

奉和九月九日聖製登慈恩寺浮圖應制

劉憲

奉和九日幸臨渭亭登高應制得時字

蘇頌

九日進茱萸山詩

張說

湘州九日城北亭子

前人

奉和九日幸臨渭亭登高應制得深字

韋嗣立

奉和九日侍宴應制得濃字

李义

奉和九月九日登慈恩寺浮圖應制

前人

閏九月九日幸總持寺登浮圖應制

前人

九日幸臨渭亭登高應制得開字

盧藏用

奉和九月九日登慈恩寺浮圖應制

前人

九月九日幸臨渭亭登高應制得渙字

前人

史義

奉和九月九日登慈恩寺浮圖應制

前人

九日幸臨渭亭登高應制得曆字

薛稷

慈恩寺九日應制

前人

九日幸臨渭亭登高應制得酒字

馬懷素

奉和九月九日登慈恩寺浮圖應制

前人

九日臨渭亭侍宴應制得長字

沈佺期

白蓮花亭侍宴應制

前人

奉和九月九日幸臨渭亭登高應制

趙彥昭

奉和九月九日登慈恩寺浮圖應制

前人

奉和九月九日幸臨渭亭登高應制得餘字

蕭至忠

奉和九月九日登慈恩寺浮圖應制

前人

奉和九月九日幸臨渭亭登高應制得風字

李迥秀

奉和九月九日登慈恩寺浮圖應制

前人

奉和九月九日幸臨渭亭登高應制得亭字

楊廉

奉和九月九日登慈恩寺浮圖應制

前人

奉和九月九日幸臨渭亭登高應制得枝字

奉和九月九日幸臨渭亭登高應制得明字

韋安石

奉和九月九日幸臨渭亭登高應制得臣字

陸景初

奉和九月九日幸臨渭亭登高應制得日子

鄭南金

奉和九月九日幸臨渭亭登高應制得寬字

李咸

奉和九月九日幸臨渭亭登高應制得花字

趙彥伯

奉和九月九日幸臨渭亭登高應制得樽字

于經野

奉和九月九日幸臨渭亭登高應制得還字

盧懷慎

奉和九月九日登慈恩寺浮圖應制

王景

奉和九月九日登慈恩寺浮圖應制

畢乾泰

奉和九月九日登慈恩寺浮圖應制

鞠瞻

奉和九月九日登慈恩寺浮圖應制

樊忱

奉和九月九日登慈恩寺浮圖應制

孫佺

奉和九月九日登慈恩寺浮圖應制

李從遠

奉和九月九日登慈恩寺浮圖應制

周利用

奉和九月九日登慈恩寺浮圖應制

張景源

奉和九月九日登慈恩寺浮圖應制

李恆

奉和九月九日登慈恩寺浮圖應制

張錫

奉和九月九日登慈恩寺浮圖應制

解琬

奉和九月九日登慈恩寺浮圖應制

鄧怡

九日

張曙

九日宴

前人

九日陪潤州邵使君登北固山

張子容

九日侍宴應制

崔國輔

九月九日憶山東兄弟

王維

奉和聖製重陽節辛臣及羣官上壽應制

前人

九日作

王綰

九月九日劉十八東堂集

李頎

九日登高

王昌齡

九日登李明府北樓

劉長卿

九日岳陽待黃遜張浚

前人

九日陪元魯山登北城留別

蕭頴士

九日登望仙臺呈劉明府容

崔曙

盧明府九日崑山宴袁使君張郎中崔員外

孟浩然

九日得新字

前人

宜州九日開崔四侍御與宇文太子遊敬亭余時登碧山不同此賢醉後寄崔侍御

李白

九日登山

前人

九日

前人

九日龍山飲

前人

九月十日即事

前人

九日

韋應物

九日澧上作寄崔主簿倬二李端繫

前人

行軍九日思長安故園

岑參

九月九日酬顏少府

高適

同崔員外幕府拾遺九日莫京兆府李士曹

前人

重陽

前人

歲功典第七十七卷

重陽節藝文二

九日閑居

晉陶潛

余閑居愛重九之名秋菊盈園而持醪靡由空服九華寄懷於言

世短意常多斯人樂久生日月依辰至舉俗愛其名露湛湛風颼颼天象明往燕無遺影來鴈有餘聲酒此臨百虛菊為制頽齡如何蓬廬士空視時運傾塵爵恥虛譽寒華徒自榮傲爾閑高齋幽居起深情

樓遲因多暇淹閣豈無成

前人

己酉歲九月九日

靡靡秋已夕淅淅風露交蔓草不復榮園木空自凋清氣澄餘滓杳然天界高哀蟬無歸聲叢鴈鳴雲霄萬化相尋釋人生豈不勞從古皆有沒念之中心焦何以稱我情薄酒且自陶千載非所知聊以未今朝

九日從宋公戲馬臺送孔令

宋謝靈運

季秋邊朔苦旅屬違霜雪淒淒陽升腓皎皎寒潭潔良辰感聖心雲旗興暮節鳴葭戾朱宮蘭厄獻時哲饒真光有孚和樂隆所缺在有天下理吹萬羣方悅歸客逐海隅脫冠謝朝列弭棹薄枉渚指景待樂闕河流有急澗浮驪無緩轍豈伊川途念宿心愧將別彼美丘園追唱焉傷薄劣

九日從宋公戲馬臺送孔令

謝瞻

風至授寒服霜降降休百工繁林收陽彩密苑解華葦果幕無聞燕遵渚有來鴻輕霞冠秋日迅商薄清穹聖心存嘉節揚鑒戾行宮四筵需芳醴中堂起絲桐扶光迫西祀歡餘宴有窮逝矣將歸客養素克有終臨流怨只從歡心歡飛蓬

九日侍宴

齊蕭子良

月殿風轉舒臺氣寒高雲斂色遙露已闌式詔司警言展秋期輕解時落落英可餐

侍太子九日宴元圃

王儉

明明儲后冲默其量徘徊禮樂優游風尚微言外融機神內王就日齊暉儀雲等望本茂條榮源澄流潔渙稱閭平周云翬荷杏我藩華方軼前軌秋日在房

鴻鴈來翔寥寥清景霽微霜草木搖落幽蘭獨芳谷言瀟瀟尚想濛濛既暢旨酒亦飽微飲有來斯悅無遠不柔

九日侍皇太子樂遊苑

梁簡文帝

離光麗景神英春裕副極儀天金鏘玉度監撫昭明善物宜布惠潤崐崙環澤熙垂露秋晨精曜動官閣露點金節霜沈玉瑣元戈側影羽翻輝庭迴鶴蓋水照犀衣蘭羞薦俎竹酒澄芬千首寫鳳百戲承雲紫燕躍武赤兔越空橫飛鳥箭半轉馳弓

九日賦韻

同前

是節協陽數高秋氣已精簪芝逐月啓帷風依夜清遠燭承歌黛斜橋閣履聲梁塵下未息共愛賞心井為臨川王九日侍太子宴

沈約

涼風北起高鴈南翔葉浮楚水草折梁園淒淒霜野惆悵晨鵬雲輕寒樹日麗秋原三金廣設六羽高陳寒英始獻涼酌初醇靡靡神襟鏘鏘羣彥思媚儲飲洽和奉宴恩暢蘭席歡同桂殿景遽樂推臨風以谷麗景天枝位非德舉任伍辰階祚均河楚負嶽未勝瞻雲難侶望古與惕心焉載佇

九日侍宴樂遊苑

前人

憑玉宅海端辰御天止流飛整靜震騰川凝神貫極擣道滌泉西裘委和南風在絃暮之始綠年桂初丹上林葉下滄池水寒霜霑玉樹鴈動輕瀾停蹕玉陛徒衛璿璣瑀箱綵絲羽蓋鸞姿虹旌迢遞翠華歲稔禮弘滿義高洛涓

九日侍宴樂遊苑

丘遲

朱明已謝聲收司禮爰理秋祓備揚旌榮奉璋戕戕

金貂濟濟上林弘敞離宮非一綵殿迴風丹樓映日
隨珠甲帳屯衛周悉醉客徐動天儀澄謐雲物游颺
光景高麗枯葉未落寒花委砌絲桐激舞楚雅閒慧
參差繁響殷動流詣

九日侍宴樂遊苑 任昉

帝德峻韶夏王功書頌平共貫汾五勝獨道邁三英
我皇撫歸運時乘信告成一唱華鍾石再撫破絲笙
黃草歸維木梯山薦玉榮時來濁河變瑞起溫洛清
物色動宸眷民豫降皇情

九日侍宴樂遊苑應令 庾肩吾

轍跡光周頌巡遊盛夏功鉤陳萬騎轉開闔九關通
秋暉逐行漏朔氣繞相風獻壽重陽節迴變上苑中
疏山開輦道間樹出離宮玉體吹嚴菊銀林落井桐
柳梨寒更紫仙桃秋轉紅飲羽山西射浮雲冀北驄
塵飛金埒滿葉破柳條空騰疑矯箭驚鴈避虛弓
彫材濫杞梓花綬接鵝鴻愧之天庭藻徒參文雅雄

九日侍宴樂遊苑 侯西封 何遜

皇德無餘讓重規契帝助垂衣化比屋瞻顧慎爲君
翺飛悅有道卉木荷平分宸襟動時豫歲序屬涼氛
城霞旦見朗槐霧曉氣氤氳與和八襲鳳駕啓千羣
羽觴懽湛露份舞奏承雲禁林終宴晚華池物色曠
疏樹飄高葉寒流聚細枝晴軒連瑞氣同一作飛惹御
香芬日斜迢遞宇風起嵯峨雲運偶參侯服恩洽則
朝聞於焉藉多幸歲暮仰遊汾

九日酌菊酒 劉孝威

露花疑始摘羅衣似適薰餘杯度不取欲持嬌使君
九日侍宴樂遊苑正陽堂 劉苞

六郡良家子幽并遊俠兒立乘爭飲羽側騎紛紛馳
鳴珂飾華珥金鞍映玉羈膳羞殫海陸和齊賦秋宜
雲飛雅奏風起洞簫吹曲終高宴罷落樹陰移
微薄承嘉惠飲德良不貴取効積無紀感恩心自知

九日 王修己

霜威始落翠寒氣初入堂階珠爛似燭懸疑夜光
舞步因絃折歌聲隨快揚夜澤聞漏後簾虛唱長
同管記陸瑜九日觀馬射 陳後主

晴朝麗早霜秋景照堂皇餘慘風威切倚彫池望荒
樓高看鴈下葉散覺山涼歇露含空翠新花濕露黃
飛禽接旆影度日轉鉞光連翻北山騎馳射四圍傍
勒移瑪瑙色鞭起珊瑚場已同過隙遠更異良弓藏
且觀千里汗仍瞻百步揚非爲從逸貴方追寒外荒

衡州九日 江總

秋日正凄凄茅茨復蕭瑟佳人蕙初醺幼子問殘疾
園菊抱黃華庭榴割朱實聊以著書情暫遣他鄉日
於長安歸還揚州九月九日行葢山亭賦韻 前人

心逐南雲逝形隨北鴈來故鄉離下菊今日幾花開 北周王褒

黃山獵地廣青門官路長律改三秋節氣應九鐘霜
曙影初分地暗色始成光高旆長楸坂提轡香問堂
射馬垂雙帶豐貂佩兩璫苑築梨樹紫山秋菊葉黃
華露霏霏冷輕颼颼颼涼終慙屬車對空假侍中郎

九月九日 唐高宗

端居臨玉辰初律啓全商風闕澄秋召罷閣引夕涼
野淨山氣斂林疎風露長砌蘭鴈半影巖桂發金香

滿蓋倚瑤翠圓花菊散黃揮鞭車電烈飛羽亂星光
柳空寄石碎並虛側月張怯猿啼落岫驚雁斷分行
斜輪低夕景歸旆擁通莊

九月九日幸臨渭亭登高 并序 中宗

陶潛益把酒浮九醞之歡畢卓持螯須盡一生之
興人題四韻同賦五言其最後成制之引滿
九日止乘秋三杯興已周浥杞饒絲滿吹花同酒浮
長房黃草熟彭澤菊初收何藉龍沙士方得恣淹留
豐年多慶九日示懷 德宗

爽氣肅時令早夜開明鴻事陽有佳節具物欣年豐
暇潔慕過召尋歡新菊最芳樽滿酌室繁吹凝煙空
惠今信古道保和惟爾同推誠至元化天下期爲公
重陽日中外同歡以詩言志因示羣官餘字韻 同前

炎節在重九物華新雨餘清秋黃葉下菊散金潭初
萬寶行就殫百工厥所如歡心暢遐邇殊俗同車書
至化自敦睦佳辰宜宴會鐫鐫開絲竹濟濟羅簪裾
此樂匪足耽此誠期永孚 同前

重陽日即事 同前

令節曉澄霽四郊煙靄空天清白露潔菊散黃金叢
窠德荷天恩順時休育上登懷歡鐘樂思爲君臣同
至化在亭育相成資始終未知康衢詠所仰惟年豐
重陽日賜宴曲江亭賦六韻詩用清字 并序 同前

朕在荷僅將十載實賴忠賢左右克致小康是以
擇三令節錫茲宴賞俾大夫卿士得同歡洽也大
共其戚者同其休有其初者貴其終咨爾羣寮順

朕不暇樂而能節職思其憂戚若時則庶乎理矣
因重陽之會聊示所懷

早衣對庭燎躬化勤意誠時此萬機暇適與佳節并
曲池潔寒流芳菊舒金英乾坤爽氣滿臺殿秋光清
朝野慶年豐高會多歡聲永懷無荒戒良士同斯情

九日

同前

禁苑秋來爽氣多昆明風動起滄波中流蕭鼓誠堪
賞詎假橫汾發棹歌

重陽錫宴羣臣

宣宗

款款旋征騎和戎委廟賢傾心方倚注叶力共安邊
擬江令於長安歸揚州九日賦 許敬宗

本逐征鴻去還隨落葉來菊花應未滿請待詩人開

九月九日贈崔使君善為

王績

野人迷節候端坐隔塵埃忽見黃花吐方知素節回
曉邊千枝發障浦萬株開香氣徒盈把無人送酒來

九月九日

崔善為

九日重陽節三秋季月殘菊花催晚氣黃房辟早寒
霜濃應擊遠蕩重鴈飛難誰憶龍山外蕭條遊興闌

答王無功九日

前入

秋來菊花氣深山客重尋露葉疑瀾玉風花似散金
摘來還泛酒獨坐即徐斟王弘食自醉無復覓楊林

九月九日登元武山旅眺

盧照鄰

九月九日眺山川歸心歸望積風煙他鄉共酌金花
酒萬里同悲鴻鴈天

奉和九月九日應制

賀正

商飈凝素節元覽負國曉霜驚斷屬長吹結柝烏
寒花低岸菊涼菓下庭梧澤宮中舊曲相聞叶前模

玉砌分雕戟金溝轉鐵轡帶星飛夏節映月上軒弧
慶展舊節治思融雨霽滿人文發丹篆寶思掩元珠
承歡徒并舞負地竊忘軀

奉和九月九日登慈恩寺浮圖應制

崔日用

紫宸歡每洽紺殿法初隆菊泛延齡酒蘭吹解慍風
咸英調正樂香梵徧秋空臨幸浮天瑞重陽日再中

奉和九月九日幸臨渭亭登高應制得車字

蘇瓌

重陽早露曉府賞暇秋殘菊氣先熏酒黃香更葉衣
清切絲桐會縱橫文雅飛思深客效淺留醉奉宸暉

奉和九月九日幸臨渭亭登高應制得歡字

宋之問

令節三秋晚重陽九日歡仙杯還泛菊實饌且調蘭
御氣香近來高宇宙寬今朝萬壽引宜向曲中彈

奉和九月九日登慈恩寺浮圖應制

前入

鳳制侵雲牛虹旌倚日邊散花多寶塔張樂布金田
時菊芳仙飄秋蘭動磨篇香街稍欲晚清輝歸天

蜀中九日登元武山旅眺

王勃

九月九日望鄉臺他席他鄉送客杯人情已厭南中
苦鴻鴈那堪北地來

九日

前入

九日重陽節開門有菊花不知來送酒若箇是陶家

重九日夏江陰

杜審言

蟋蟀歸期晚東華節候新降霜青女月送酒白衣人
高興要長壽卑棲隔近臣龍沙即此地舊俗坐為鄰

奉和九月九日登慈恩寺浮圖應制

李嶠

瑞塔千尋起仙輿九日來更房陳寶席菊葉散花臺
御氣鵬寄近升高鳳野聞天歌將梵樂空裏共徘徊

閏九月九日幸總持寺登浮圖應制

前入

閏節開重九眞遊下大千花寒仍薦菊座晚更披蓮
剝風回離聲帆虹閣綵旆還將西梵曲助入南薰弦

九日登元武山旅眺

邵大震

九月九日望遙空秋水秋天生女風寒鴈一向南去
飛一作遠遊人幾度菊花叢

奉和九月九日幸臨渭亭登高應制得筵字

閻朝隱

九九侍神仙高高坐半天文章二曜動氣色五星連
綽綽趨皇極笙歌接御筵願因茱菊酒相守百千年

奉和九月九日幸臨渭亭登高應制得月字

韋元且

雲物開千里天行乘九月絳言丹鳳池旆轉蒼龍關
灞水歡娛地秦京游俠窟欣承解慍詞聖酒黃花發

奉和聖製九日侍宴應制

李適

禁苑秋光入宸遊霽色高更房頒絲筍菊葉薦香醪
後騎紫堤柳前旌拂御桃王枚俱得從淺淺愧飛毫

奉和九月九日聖製登慈恩寺浮圖應制

劉憲

飛塔雲霄半清辰羽旆遊登臨憑季月宴廓見中州
御酒新寒退天文瑞景留辟邪將獻壽茲日奉千秋
奉和九月九日幸臨渭亭登高應制得時字

蘇題

嘉會宜長日高延順動時曉光雲外洗晴色雨餘滋
降鶴因韶德吹花入御詞願陪陽數節億萬九秋期

九日進茱萸山詩五首

張說

家居洛陽下舉目見嵩山刻作茱萸節情生造化間
黃花宜泛酒青嶽好登高稽首明廷內心爲天下勞
菊酒攜山客茱萸繫繫收章路疑隨大隗心似問鴻蒙
九日重陽數三秋萬實成時來謁軒后罷去坐蓬瀛
晚節歡重九高山上五千醉中知遇聖夢裏見尋僊

湘州九日城北亭子

前人

西楚茱萸節南淮戲馬臺寧知沅水上復有菊花杯
亭帳憑高出親朋自遠來短歌將急景同使興情催

奉和九日幸臨渭亭登高應制得深字

韋嗣立

層觀遠沈沈鸞旗九日臨帷一作宮壓水岸步登人
煙岑枝上萸新採樽中菊始斟願陪歡樂事長與歲
時深

奉和九日侍宴應制得濃字

李義

望幸紆千乘登高自九重臺疑臨戲馬殿似接疏龍
林篋更香遍稱觴菊氣濃更看仙鶴舞來此慶時雍
奉和九日九日登慈恩寺浮圖應制

前人

湧塔臨元地高層瞰紫微鳴鑾陪帝出攀援翔天飛
慶洽重陽寄文舍列象輝小臣叨載筆欣此頌瓊巍
閏九月九日幸慈恩寺登浮圖應制

前人

清蹕幸禪樓前驅歷御溝還疑九日豫更想六年遊

聖藻輝纓絡仙花綴冕旒所欣延億載寧祗慶重秋

九日幸臨渭亭登高應制得開字

盧藏用

上月重陽滿中天萬乘來夷儀佩裏發菊向酒邊開
聖澤烟雲動宸象緯廻小臣無以答願奉億千杯
奉和九月九日登慈恩寺浮圖應制

前人

化塔龍山起中天鳳皇迂綠旋率畫制維佩冒香萸
寶葉擎千座金英漬百盃秋雲飄聖藻告一作極捧
連珠

九月九日幸臨渭亭登高應制得深字

岑羲

重九開科曆千齡逢聖紀爰豫賜秦垌昇高臨滿漢
玉醴浮仙菊瓊筵薦芳芷一聞帝舜歌歡娛良未已
奉和九月九日登慈恩寺浮圖應制

前人

寶臺聳天外玉輦步雲端日麗重陽景風搖季月寒
梵堂遙集馬帝樂近翔鸞願獻延齡酒長承湛露歡
九月九日幸臨渭亭登高應制得曆字

薛稷

暮節乘原野宣遊脩崖壁秋登華實滿氣嚴騰雉擊
仙菊含霜泛聖藻臨雲錫願陪九九辰長奉千千曆
慈恩寺九日應制

前人

寶宮星宿切香塔鬼神功王遊盛座外層巒出區中
日宇開初景天詞掩大風微臣謝時菊薄采入芳叢
九月九日幸臨渭亭登高應制得酒字

馬懷素

睿賞叶運三宸遊契重九爾將茱布席菊用香浮酒

落日下桑榆秋風振楊柳幸齊東戶慶希南由壽

奉和九月九日登慈恩寺浮圖應制

前人

季月啓重陽金輿陟宣功御旗橫日遙仙塔徹雲莊
帝暉千官從乾詞七曜光顧應文思嚴無以頌時康
九月九日幸臨渭亭侍宴應制得長字

沈佺期

御氣幸金方憑高臨羽觴魏文頒菊葉漢武賜更萸
秋變銅池色晴添銀樹光年年重九慶日月奉天長
白蓮花亭侍宴應制

前人

九日陪天仗三秋幸禁林霜威嚴綠樹雲氣落青岑
水殿黃花合山亭綠葉深朱旗夾小徑寶馬駐青溝
苑吏收寒果饗人膳野禽承秋不覺腹邊響素秋砧

奉和九日幸臨渭亭登高應制

趙彦昭

秋漾旋仙覽宸遊轉翠華呼鷹下鳥路戲馬出龍沙
紫菊宜新霽丹重辟舊邪那陪長久宴歲歲奉吹花
奉和九月九日登慈恩寺浮圖應制

前人

出豫乘秋一作御登高一作陟覽宮阜心肅塵界佛
跡現虛空日月宜長壽人天得大運喜聞題寶偈受
記葉由同

前人

奉和九日幸臨渭亭登高應制得餘字

蕭至忠

聖孝三秋暮登高九日初朱旗巡漢苑翠帟備秦墟
寵極並房遍恩深菊耐餘承歡何以答出使奉宸居
奉和九月九日登慈恩寺浮圖應制

前人

天蹕三乘降星輿六轡行登高凌寶塔極目徧王城

神衛空中逸仙歌云外清重陽千萬壽華顏昇平

奉和九日幸臨渭亭登高應制得風字

李迥秀

重九臨商節登高出漢宮正逢重寶滿還對菊花蕊
香雲開就日一作仙潔麗秋風微臣豫在籍竊忝逢
無窮

奉和九日九日登慈恩寺浮圖應制

前人

沙界人上塔金繩梵帝遊言從祇樹皆行瓶菊兼秋
御酒調甘露天花拂絳旒竟年將一作佛日同此歲
時休

奉和九日幸臨渭亭登高應制得亭字

楊廉

遠目瞰秦川重陽坐滿亭既開黃菊酒還降紫微星
簫鼓諧仙曲山河入畫屏幸茲臨宴喜無以效丹青

奉和九日九日登慈恩寺浮圖應制

前人

萬乘臨良境重陽眺遠空慈雲浮鴈塔定水映龍宮
寶鏡合麗輝樓輪帶日紅天文將瑞色輝耀滿寶中

奉和九日幸臨渭亭登高應制得枝字

韋安石

重九開秋節得一動宸儀金風飄菊藥玉露滋黃枝
府覽八紘外天文七曜披陳深應任即居高豈忘危

奉和九日幸臨渭亭登高應制得明字

賀希珍

鑾輿巡上苑鳳駕瞰城御座丹鳥麗宸居白鶴驚
玉旗紫桂葉金杯泛菊英九辰陪聖曆萬歲奉承明

奉和九日幸臨渭亭登高應制得臣字

陸景初

九秋光順澤重節霽良辰登高識漢苑問道侍軒臣
菊花浮聖恩史房插綰紳聖化遡降謚長洲鴻鴈賓
奉和九日幸臨渭亭登高應制得日字

鄭南金

重陽玉律應萬乘金輿出風起韻虎絃雲開吐堯日
菊花浮聖酒更香桂賓賓欲知恩恩多願動觀秋實

奉和九日幸臨渭亭登高應制得直字

李咸

重陽乘令序四野開晴色日月數初并乾坤登極
菊黃迎酒之松翠凌霜直遊海難為深負山徒倦力

奉和九日幸臨渭亭登高應制得花字

趙彥伯

九日報仙李三秋轉歲華呼鷹下鳥路戲馬出龍沙
絳桂丹萸藥杯浮紫菊花所願同徵物年年共辟邪

奉和九日幸臨渭亭登高應制得樽字

于經野

御氣三秋節登高九曲門桂延羅玉組菊醴泛芳樽
濯諸歸鴻度承雲舞鶴驚微臣陪陪賞空荷聖明恩

奉和九日幸臨渭亭登高應制得還字

盧懷慎

時和素秋節哀律紫微關鶴似聞琴至人疑宴綺還
瞻聖臨一作平野黃波俯照影無因酬大德空此婉
崇班

奉和九日九日登慈恩寺浮圖應制

王景

玉輦移中禁珠梯覽四禪重階清漢接飛鸞紫霄懸
綴葉披天藻吹花散御筵無因鑾蹕暇但舞鶴林前

奉和九日九日登慈恩寺浮圖應制

畢乾泰

鸚鵡林花塔啓鳳輦順時遊重九昭皇慶大千揚帝休
者闡妙法闡王舍睿文流至德尊無極小臣歌詠酬

奉和九日九日登慈恩寺浮圖應制

鞠瞻

冠蹕遊元地陪僊職紫微似過銖衣初將同羽化飛
雕戈秋日麗寶劍曉霜霏獻觴乘菊序長願奉天暉

奉和九日九日登慈恩寺浮圖應制

樊忱

淨境重陽節仙遊萬乘來插萸登鸞嶺把菊坐蜂臺
十地祥雲合三天瑞景開秋風詞更遠竊作樂康哉

奉和九日九日登慈恩寺浮圖應制

孫佺

應節黃房一作滿初寒菊圃新龍旗煥辰極鳳駕儼
香闥蓮井偏安夏梅梁一作更若春一忻陪鴈塔還
似得天身

奉和九日九日登慈恩寺浮圖應制

李從遠

九月從時豫三來爲法開中宵日天子半座寶如來
摘果珠盤獻攀黃玉輦廻顧將塵露點遙奉光明臺

奉和九日九日登慈恩寺浮圖應制

周利用

出豫乘金節飛文煥日宮黃房開聖酒杏一作苑
被元功塔向三天迴一作收一作八解空叨恩奉

蘭籍終婉洽薰風

奉和九月九日登慈恩寺浮圖應制

張景源

飛塔凌霄起宸遊一屆焉金壺新泛菊寶座即披蓮
就日搖香翠憑雲出梵天祥氣與佳色相伴雜爐煙

奉和九月九日登慈恩寺浮圖應制

李恆

寶地鄰一作丹掖香臺瞰碧雲河山天外出城關樹
中分睿藻蘭英秀僊杯菊藥薰願將今日樂長奉聖

明君

奉和九月九日登慈恩寺浮圖應制

張錫

九秋霜景淨千門曉望通仙遊光御路瑞塔迴凌空
菊彩揚堯日更香遠舞風天文麗辰象竊忭仰層穹

奉和九月九日登慈恩寺浮圖應制

解琬

瑞塔臨初地金輿幸上方空邊有清淨覺處無馨香
雨霽微塵斂風秋定水涼茲辰采仙菊薦壽慶重陽

奉和九月九日登慈恩寺浮圖應制

鄭愔

湧香開寶塔倒影駐僊輿子乘堂處龍王起藏初
秋風聖主曲佳氣史官書願獻重陽壽承歡萬歲餘

九日

張謩

秋天林下不知春一種佳遊事也均絳葉從朝飛著
夜黃花開日未成句將囑柏樹頻驚鳥半醉歸途數

問人城遠登高併九日茱萸凡作幾年新

九日宴

前人

秋葉風吹黃颯颯晴雲日照白鱗鱗歸來得開茱萸
女今日登高醉幾人

九日陪潤州邵使君登北固山

張子容

五馬向西一作椒重陽坐麗譙徐州帶綠水楚國在
青霄張幕連江樹開筵接海潮凌雲詞客語迴雪舞

花朝

九日

崔國輔

江邊楓落菊花黃少長登高一望鄉九日陶家雖載
酒三年楚客已沾裳

九日侍宴應制

前人

運偶千年聖時傳九日神堯樽刻鐘鼓漢關關鈞陳
金錄三清降瓊筵五老巡始鸞前佩出復詠柏梁新

九月九日憶山東兄弟

王維

獨在異鄉爲異客每逢佳節倍思親遙知兄弟登高
處遍插茱萸少一人

奉和聖製重陽節宰臣及羣官上壽應制

前人

四海方無事三秋大有年百生無此日萬壽願齊天
芍藥和金鼎茱萸插玳筵玉堂開石个天樂動宮懸

九日作

王縉

莫將邊地比京都八月嚴霜草已枯今日登高愁酒
裏不知能有菊花無

九月九日到十八東堂集

李頎

風俗尚九日此情安可忘菊花辟惡酒湯餅茱萸香

雲入授衣假風吹閑宇羣主人盡歡意林景雲微茫
清切晚砧動東西歸鳥行海雷俄爲別日醉秋雲光

九日登高

王昌齡

青山遠近帶皇州齊景重陽上北樓雨歇亭早仙菊
潤霜飛天苑御梨秋茱萸插鬢花立青翡翠橫銀舞

作愁漫說陶潛離下醉何曾得見此風流

九日登李明府北樓

劉長卿

九日登高望若遠樹低人煙湖草裏山翠懸樓西
霜降鴻聲切秋深客思迷無勞白衣酒陶令自相攜

九日岳陽待黃遜張溥

前人

別君頗已久離念與時積楚水空浮煙江樓望歸客
徘徊正想彷彿如暫覩心自徒白親風波尚相隔

九日陪元帥山登北城謁別

蕭頌士

山縣繞古堞悠悠快登望雨餘秋天高目盡無隱狀
九日登望仙臺呈劉明府客

崔曙

漢文皇帝有高臺此日登臨曙色開三管雲山皆北
向一陵風雨自東來關門令尹誰能識河上仙翁去

不問且欲近尋彭澤宰陶然共醉菊花杯

盧明府九日岷山宮宴使君張郎中崔員外

孟浩然

宇宙誰開闢江山此鬱盤登臨今古用風俗歲時觀
地理荆州分天涯楚塞寬自城今刺史華省舊郎官

共談重陽節俱懷落帽歡酒邀彭澤載琴輟武城鼎

獻壽先浮菊尋幽或藉蘭煙虹鋪藻翰竹柏挂衣冠

九日得新字

前人

九日未成句重陽卽此展登高聞故事載酒訪幽人
落帽恣歡飲授衣同試新茱萸正可佩折取寄情親
宣州九日聞崔四侍御與宇文太守遊敬亭余
時登驛山不同此賞醉後寄崔侍御二首

李白

九日茱萸熟插髮傷早白登高望山海滿目悲古昔
遠訪投沙人因爲逃名客故交竟誰在獨有崔亭伯
重陽不相知載酒任所適手持一枝菊調笑二千石
日暮岸帙歸傳呼隘阨形骸雙白鹿賓從何輝赫
夫子在其間遂成雲霧隔良辰與美景兩地方虛擲
晚從南峰歸蘿月下木壁却登郡樓望松栢寒轉碧
咫尺不可親衆我如道鳥

九卿天上落五馬道傍來列戟朱門曉褰幃崑崙閣
春高望遠海名客得英才紫綬懷情洽黃花邁興催
山從圖上見溪即一作鏡中迴遙美重陽作應過戲
馬堂

九日登山

前人

淵明歸去來不與世相逐爲無杯中物遂偶本州牧
因招白衣人笑酌黃花菊我來不得意虛過重陽時
題輿何俊發遂結城南期築土按野山俯臨宛水湄
胡人叫玉笛越女彈霜絲自作英王粲斯樂不可覓
赤鯉湧翠高白龜遊鴻夷靈仙如彷彿覺醉遙相知
古來登高人今復幾人在滄洲還宿諾明日橋可待
連山似驚波合沓出溟海揚袂揮四座酹酹安所知
齊歌逐清揚起舞亂參差賓覽落葉散帽逐秋風吹
別後登此臺願言長相思

九日

前人

今日雲景好木綠秋山明攜壺酌流霞寒菊泛寒榮
地遠松石古風揚旌管清窈窕觸照歡顏獨笑還自傾
落帽醉山月空歌懷友生

九日龍山飲

前人

九日龍山飲黃花笑逐臣醉看風落帽舞愛月留人

九月十日卽事

前人

昨日登高罷今朝再舉觴菊花何太苦遭此兩重陽

九日

韋應物

今朝把酒復惆悵憶在杜陵田舍時明年九日知何
處世難還家未有期

九日澧上作寄崔主簿倕二李端繫

前人

淒淒感時節望望臨澧渚翠嶺明華秋高天澄遙澤
川寒流愈迅霜交物初委林葉索已空晨禽迎颼起
時菊乃盈沍濁醪自爲美良遊雖可娛殷念在之子
人生不自有營欲無終已孰能同一酌陶然冥斯理

行軍九日思長安故園

岑參

強欲登高去無人送酒來遙憐故園菊應傍戰場開

九月九日酬顏少府

高適

簪萸白日應可惜釀上黃花爲誰有行子迎霜未授
衣主人得錢始沽酒蘇秦憔悴人多厭蔡澤棲遲世
有醜穢使登高只斷腸不如獨坐空搔首

同崔員外登陸拾遺九日宴京兆府李士曹

前人

今日好相見至暮仍廢曹晚晴催翰墨秋興引風騷
絳葉擁虛砌黃花隨濁醪閉門無不可何事更登高

重陽

前人

節物驚心兩鬢華東籬空繞未開花百年將半仕三
已五畝就荒天一涯豈有白衣來剝啄一從烏帽任
欹斜真成獨坐空搔首門柳蕭蕭噪暮鴉

欽定古今圖書集成曆象彙編歲功典

第七十八卷目錄

重陽部藝文三 詩詞

九日曲江

唐杜甫

九日楊奉先會白水崔明府

前人

九日諸人集於林

前人

復愁

前人

九日藍田崔氏莊

前人

九日登梓州城

前人

九日 二首

前人

九日

前人

登高

前人

九日奉寄嚴大夫

前人

九日閒居寄登高數子

錢起

九日田舍

前人

九日登玉山

前人

九日寄姪祭箕亭

前人

九日巴丘楊公臺上宴集

張繼

同徐侍卿五雲谿新亭重陽宴作

獨孤及

九月九日李蘇州東樓宴

前人

重陽日酬李觀

皇甫冉

九日送別

王之渙

九日陪崔峒郎中北山讌

嚴維

九日賈明府見訪

戎昱

九日與敬處士左學士同賦采菊上東山便爲

首句

戴叔倫

九日奉陪侍中宴白樓

盧綸

九日奉陪侍中宴後亭

前人

九日奉陪令公登白樓同詠菊

前人

九日同司直九叔崔侍御登寶雞南樓

前人

九日奉陪侍郎登白樓

前人

和趙端公九日登石亭上和州家兄

前人

九日贈司空文明

李端

九日陪皇甫使君泛江真亦序亭

楊當

九日登高

司空曙

九日登青山

朱灣

重陽日陪韋卿讌

前人

奉和聖製重陽日百寮曲江宴示懷

崔元翰

九日與楊凝崔淑期登江上山會行故不得往

朱放

因贈之

前人

九日陪劉中丞宴送客

武元衡

奉和聖製重陽日即事

權德輿

奉和聖製九日言懷賜中書門下及百寮

僚

奉和聖製重陽日中外同歡以詩言志因示百

僚

奉和聖製重陽日即事六韻

前人

奉和聖製豐年多慶九日示懷

前人

嘉興九日寄丹陽親故

前人

九日北樓宴集

前人

酬九日

前人

奉陪李大夫九日龍沙宴會

前人

九月九日勤政樓下觀百僚獻壽

前人

九日廣陵同陳十五先輩登高懷林十二先輩

歐陽詹

和令狐相公九日對黃白二菊花見懷

劉禹錫

重陽日至峽道

張籍

禁中九日對菊花酒憶元九

白居易

九日寄行簡

前人

九日與友人登高

鮑溶

九日病起

殷堯藩

九日憶硯山舊居

姚合

奉和大梁相公重九日軍中宴會之什

裴夷直

奉和大梁相公同張員外重九日宴集

前人

九日齊山登高

杜牧

九日登樟亭驛樓

許渾

九日

李商隱

九日陪越州元相宴龜山寺

趙嘏

重陽

前人

重陽日即事

崔櫓

重陽日次荆南路經武寧驛

李羣玉

九日

前人

九日陪崔大夫宴清河亭

李郢

重陽日寄浙東諸從事

李郢

九日衛使君筵上作

武曜

重陽四首

司空圖

金陵九日

唐彥謙

高平九日

前人

九日遊中溪

前人

重陽日訪元秀上人

鄭谷

葵州水館重陽日作

韋莊

九日

黃滔

九日陪董內召登高

廖匡圖

九日雨中

徐鉉

九日和于使君

釋靈澈

九日陪顏使君真卿登水樓

皎然

九月九日上幸慈恩寺登浮圖羣臣上菊花壽

酒
上官昭容

九日遇雨二首

薛濤

九日水閣

宋韓琦

壬子重九

前人

重九會光化二園

前人

九日永叔長文原甫崇仁鄒發持國過飲

梅堯臣

重陽日再到其城百源故居

邵雍

九日

前人

九日次韻王華

蘇軾

次韻蘇伯固主簿重九

前人

九日閒居和陶詩

前人

九日次韻定國

前人

九日舟中望見有美堂上曾少卿飲以詩戲之

丙子重九二首

前人

九日黃樓作

前人

重九會郡樓

米芾

九日寄秦觀

陳師道

重陽九經堂作

范成大

重陽後菊花

前人

九日即事呈尤延之

楊萬里

九日登天湖以菊花須插滿頭歸分韻賦詩得

歸字

朱嘉

重九日與賓佐登龍山

前人

己未九日子服老弟及仲宣諸友載酒見過坐

閒居厚廟出示佳句歎伏之餘次韻爲謝

前人

九日登臥龍山呈同官

王十朋

九日同出興珠閣

林光朝

九日登資福山呈胡官教

呂聲之

重陽舟中

戴復古

閏九

嚴粲

九日道中凄然憶潘邠老之句

方岳

舟中九日

朱伯仁

重陽

文天祥

重九

金姚孝錫

九日

周昂

九日月中對菊

張本

九日郭外

元郭經

九日感懷

黃庚

潛昭九日贈龍圖次韻

袁桷

九日

張養浩

次德衡弟九日以黃酒來貺

蒲道源

九日

范梈

九日登石頭城

陸都刺

九日

周權

和李源仲九日

王都中

九日行湖上

張翥

九日

曹文晦

九日登玉霄峯

前人

九日

倪瓚

九日寄興

葉顥

九日感懷二首

前人

九日登定海虎蹲山

丁鶴年

九日同馬君卿任宏器登高

明何景明

九日獨酌

劉效祖

聖駕九日天壽山登高獻三閣下

潘緯

閏九月燕子磯登高用寒字

吳兆

重陽折梅以上詩

顧開雍

漁家傲

宋歐陽修

西江月

蘇軾

浣溪沙

前人

醉蓬萊

前人

南鄉子

前人

尾犯

秦觀

臨江仙

晁補之

八六子

前人